

Լ. Քալաշյան

«ԿԱՊԻՏԱԼԻԶՄԻ ՄՆԱՑՈՒԿՆԵՐԸ ՄԱՐԴԱՆՑ ԳԻՏԱԿՑՈՒԹՅԱՆ
ՄԵՋ» ՀԱՍԿԱՑՈՒԹՅԱՆ ՄԱՍԻՆ

Մարքսիստական փրիսոփայությունը հաստատում է, որ մարդկանց սովորույթներն ու սովորությունները, հասարակության անդամների բարոյական ու կենցաղային նորմաները, բնական, հասարակական և ամեն տեսակ այլ փոխհարաբերությունները վերջին հաշվով պայմանավորվում են տվյալ հասարակարգի տնտեսական կառուցվածքով և ձևափոխվում են մարդկանց նյութական փոխհարաբերությունների փոփոխություններին համապատասխան: «Նյութական կյանքի արտադրման եղանակը,— գրում է Մարքսը,— պայմանավորում է կյանքի սոցիալական, քաղաքական ու հոգեկան պրոցեսներն ընդհանրապես»:

Սովետական մարդկանց բարոյական կերպարը, նրանց բարոյական սկզբունքներն ու վարքի նորմաները պայմանավորված են հասարակական նոր կեցությամբ, տնտեսական նոր հարաբերություններով:

Ո՞րն է սովետական մարդկանց սոցիալիստական գիտակցության ձևավորման նյութական հիմքը: Դա սոցիալիստական արտադրական հարաբերություններն են՝ արտադրության միջոցների հանրային սեփականությունը, մարդու կողմից մարդու շահագործման բացակայությունը, շահագործումից ազատ մարդկանց համագործակցությունը՝ նյութական ու հոգևոր բարիքների արտադրության պրոցեսում: Այս միջավայրում է աճել սովետական մարդը, բյուրեղացել են նրա բնավորության գծերը, որոնք արտահայտվում են իր հայրենիքի նկատմամբ անսահման նվիրվածության, Կոմունիստական պարտիայի նկատմամբ ունեցած ջերմ սիրո և ամբողջ հասարակության օգտին անձնվիրաբար աշխատելու մեջ:

Նոր մարդու ծնունդը Հոկտեմբերյան սոցիալիստական Մեծ ռևոլյուցիայի պատմական կարևորագույն արդյունքն է: Սոցիալիզմի պայմաններում հնարավոր դարձավ նոր հասարակության գիտակցական կառուցումը: Պատմության մեջ դեռևս երբեք չի եղել այնպիսի դրություն, երբ մարդիկ տոգորվելով միասնական գաղափարով, կարողանային կառուցել իրենց ապագան, իրենց «իսկական ազատության թագավորությունը», ընդհանուր բարեկեցության և երջանկության թագավորությունը:

Նոր տնտեսական հարաբերությունների հիման վրա մարդկանց վերադաստիարակումը ինքնահոսով տեղի չի ունենում: Այդ պրոցեսում մեծ դեր է պատկանում սուբյեկտիվ գործոնին: Մարդկանց կոմունիստական դաստիարակությունը միշտ էլ եղել է մեր պարտիայի ուղարկության կենտրոնում: Սովետական մարդու բարձր գիտակցությունը մասսաների մեջ կատարվող ամենօրյա իդեոլոգիական աշխատանքի արդյունք է:

Ոսկան չի կարելի ասել, որ փոխվել է բոլոր սովետական մարդկանց գիտակցությունը: ՍՄԿՊ XX համագումարին Կենտկոմի տված զեկույման մեջ Ն. Ս. Խրուշչովը ասել է. «Սխալ կլիներ կարծել, որ արդեն վերջ է տրված կապիտալիզմի մնացուկներին մարդկանց գիտակցության մեջ: Ցավոք սրտի, մեր հիանալի, աշխատասեր սովետական ընտանիքում ղեկուս հանդիպում են այնպիսի մարդիկ, որոնք չեն մասնակցում արտադրական աշխատանքին, օգտակար աշխատանք չեն կատարում ո՛չ ընտանիքում, ո՛չ էլ հասարակության մեջ: Անհրաժեշտ է ուժեղացնել աշխատանքը մասսաների կոմունիստական դաստիարակության և մարդկանց գիտակցության մեջ եղած կապիտալիզմի մնացուկները հաղթահարելու ուղղությամբ»:

Ո՞րն է սովետական մարդկանց մի մասի գիտակցության մեջ եղած կապիտալիզմի մնացուկների էությունը և մենք ինչպես պետք է բնորոշենք այդ հասկացությունը:

Այդ հասկացության տակ մենք, ամենից առաջ, պատկերացնում ենք այնպիսի արարքներ կամ գիտակցության ձևեր, որոնք ծագել են անտազոնիստական ֆորմացիաներում տնտեսական հակասությունների և դասակարգային պայքարի հետևանքով:

Վ. Ի. Լենինը բազմիցս մատնանշել է, որ մարդկանց վերադաստիարակումը, նրանց հոգեբանության, սովորությունների, տրադիցիաների փոփոխումը, որպիսիք նրանք ձևավորվել են բերել շահագործողական ֆորմացիաներում, շատ ժամանակ կպահանջի: Վ. Ի. Լենինը գրում է. «Միլիոնների և տասնյակ միլիոնների սովորույթի ուժը ամենասարսափելի ուժն է»¹:

Մարդկանց գիտակցության մեջ եղած կապիտալիզմի մնացուկների հաղթահարումը չի կարելի դիտել որպես մայրկյանական ակտ կամ կարճատև մի պրոցես: Հանդիսանալով անտազոնիստական ֆորմացիաների արդյունքը, մարդկանց գիտակցության մեջ եղած կապիտալիզմի մնացուկներն անհաշտելի հակասության մեջ են կոմունիստական բարոյականության և սոցիալիստական կեցության նորմաների հետ: Պրոլետարական ինտեռնացիոնալիզմը մերժում, ժխտում է բուրժուական նացիոնալիզմը: Առաջինը ժողովուրդների բարեկամության ու իրավահավասարության իդեոլոգիան է, իսկ երկրորդը՝ թշնամանքի և ստրկացման իդեոլոգիան: Սոցիալիստական ղեմավարտիզմը չի կարող հանդուրժել բյուրոկրատիզմ: Նրանք բացասում են միմյանց: Մարդկանց գիտակցության մեջ եղած կապիտալիզմի բոլոր մնացուկները հակասում են կոմունիստական նոր աշխարհըմբռնմանը, սոցիալիստական նոր կեցությանը:

Մարդկանց գիտակցության մեջ եղած կապիտալիզմի մնացուկների հակասության մյուս արտահայտություններից մեկն այն է, որ դրանք ունենալով սովետական մարդկանց կոմունիստական դաստիարակության զործում, նոր կյանքի կառուցման գործում: Չի կարելի լինել կոմունիստական հասարակության ակտիվ կառուցող և միաժամանակ կրել մասնավոր-սեփականատիրական հոգեբանության զծերը: Չի կարելի գտնվել սոցիալիստական շինարարության առաջավոր դիրքերում, չսիրելով աշխատանքը, չպահպանելով հանրային սեփականությունը: Չի կարելի լինել լավ ծառայող, միաժամանակ լինելով բյուրոկրատ: Չի կարելի ստեղծել առողջ, սոցիալիստական ընտանիք և երեխաներին դաստիարակել կոմունիզմի ոգով, երբ ինքդ վարակված ես

¹ Վ. Ի. Լենին, Երկեր, հատ. 31, էջ 35:

ամորալիզմով, էգոիզմով, կրոնական նախապաշարմունքներով և այլն: Այսպիսով, մարդկանց գիտակցության մեջ եղած կապիտալիզմի մնացուկները անհամատեղելի են սովետական մարդկանց սոցիալիստական նոր կեցության հետ:

Եվ, վերջապես, մարդկանց գիտակցության մեջ եղած կապիտալիզմի մնացուկների էությունը հասկանալու համար անհրաժեշտ է լուրջ ուշադրություն դարձնել այդ երևույթների հասարակական կողմի վրա: Կապիտալիզմի մնացուկների կոնկրետ կրողների դեմ ամենօրյա, հետևողական պայքարի բացակայությունը կարող է հասարակական մեծ շարիքի պատճառ դառնալ: Այնպիսի երևույթներ, ինչպիսիք են նացիոնալիզմը, բյուրոկրատիզմը, կաշառակերությունը, խուլիգանությունը, խաբեբայությունը և այլ հակաբարոյական արարքները, որոշակի պայմաններում կարող են հասարակական մեծ վտանգ դառնալ: Անհրաժեշտ է հաշվի առնել, որ այդ սոցիալական երևույթները մի ժամանակ բուրժուազիայի ձեռքին վտանգավոր զենք են եղել նոր հասարակարգի դեմ մղվող պայքարում: Կապիտալիզմից սոցիալիզմին անցնելու ժամանակաշրջանում Վ. Ի. Լենինը այդ երևույթները, կարգապահությունը խախտելու հետ մեկտեղ, ուղղակի անվանում էր դասակարգային պայքարի ձևեր: Համաշխարհային պրոլետարիատի առաջնորդը կրքով կերպով պահանջում էր ամենախիստ հսկողություն ու վերահսկողություն հաստատել հարուստների, խաբեբաների, ձրիակերների, խուլիգանների նկատմամբ: «Հարուստներն ու խաբեբաները միեկույն մեղալի երկու կողմերն են,— ասում է Լենինը,— դրանք մակարոյձևերի երկու գլխավոր կառեգործներն են, որոնց սնել է կապիտալիզմը, դրանք սոցիալիզմի գլխավոր թշնամիներն են, այդ թշնամիներից պետք է ամբողջ բնակչության հատուկ հսկողության տակ առնել, նրանց հետ պետք է անխնա դատաստան տեսնել, հենց որ նրանք ամենափոքր չափով խախտեն սոցիալիստական հասարակության կանոններն ու օրենքները: Այդ տեսակետից ամեն մի թուլություն, ամեն մի վարանում, ամեն մի սենտիմենտալ վերաբերմունք մեծագույն ռճրագործություն կլինեք սոցիալիզմի հանդեպ¹: Սոցիալիզմից կոմունիզմին անցնելու շրջանում նացիոնալիզմը, բյուրոկրատիզմը, աշխատանքային կարգապահության խախտումը և նման երևույթները դադարում են դասակարգային պայքարի արտահայտություններ լինելուց: Սոցիալիզմը ոչնչացնում է անտաղտնիստական հակասություններն ու դասակարգային պայքարը: Բայց չի կարելի չնկատել, որ անտեսվելու դեպքում այդ բացասական երևույթները կարող են դառնալ հասարակական մեծ շարիք: Կապիտալիզմի մնացուկների դրսևորումը մարդկանց գիտակցության մեջ մեր պայմաններում չի կարելի դասակարգային պայքարի ձև համարել: Մեր ժողովրդի բարոյա-քաղաքական միասնության, սովետական հայրենասիրության և ժողովուրդների բարեկամության առկայության պայմաններում անհեթեթություն կլինեք խոսել դասակարգային պայքարը շարունակելու մասին: Բայց գործնականում կապիտալիզմի մնացուկները մարդկանց գիտակցության մեջ օբյեկտիվորեն թշնամի են սոցիալիստական համակեցության հիմնական կանոններին: Անհրաժեշտ է հիշել, որ դրսից սոցիալիզմի թշնամիների մղած ագիտացիան ամենից առաջ նկատի ունի բուրժուական նացիոնալիզմի, կոսմոպոլիտիզմի թուլնում, մասնավոր-սեփականատիրական հոգեբանությամբ և

¹ Վ. Ի. Լենին. Երկեր, հատ. 26, էջ 500—501:

բուրժուական աշխարհի այլ մնացորդներով վարակված մարդկանց: Քիչ չեն այն դեպքերը, երբ կապիտալիզմի այդ մնացուկներով վարակված մարդիկ կույր գործիք են դառնում թշնամական գործակալության ձեռքում, ժողովրդի մեջ տարածելով զրպարտություն և սուտ: Ահա ինչու անհրաժեշտ է, այլ բացասական մոմենտների հետ միասին, ցույց տալ նաև մարդկանց գիտակցության մեջ եղած կապիտալիզմի մնացուկների առկայության դասակարգային վտանգավորությունը:

Այսպիսով, մարդկանց գիտակցության մեջ եղած կապիտալիզմի մնացուկների հասկացությունը սահմանելու համար պետք է հաշվի առնել երեք մոմենտ:

1. Մարդկանց գիտակցության մեջ եղած հակահասարակական մնացուկներն անցյալ անտագոնիստական ֆորմացիաների արդյունք են:

2. Այդ մնացուկները լուրջ արգելակող ուժ են կոմունիստական հասարակարգի կառուցման գործում:

3. Կապիտալիզմի մնացուկները թեև դասակարգային պայքարի ձև չեն, բայց իրենց կոնկրետ դրսևորումների մեջ հակասում են բանվոր դասակարգի շահերին:

Ելնելով այս բոլորից, կարելի է տալ կապիտալիզմի մնացուկների հասկացության հետևյալ սահմանումը. մարդկանց գիտակցության մեջ կապիտալիզմի մնացուկներ են կոչվում անտագոնիստական հասարակությունների բարոյականության, գաղափարների և սովորույթների այն տարրերը, որոնք ղեկավարում են սոցիալիզմի ժամանակ և խանգարում նրա զարգացմանը:

Անկասկած, մեր առօրյա կյանքում պատահող ամեն մի բացասական կամ անցանկալի արարք չի կարելի դասել մարդկանց գիտակցության մեջ եղած կապիտալիզմի մնացուկների շարքը: Մարդիկ կարող են մոլորվել, կարող են շեղվել ճիշտ դիրքերից իրենց աշխատանքային կամ այլ գործունեության մեջ. բայց կարող են վարակված չլինել անցյալի մնացուկներով: Գիտականը իր գիտական որոնումների ընթացքում կարող է հետևել այս կամ այն սխալ միտքին կամ էլ հանգել ինչ-որ սխալ հետևությունների, բայց, իհարկե, չի կարելի ամեն դեպքում այս բոլորը դիտել որպես կապիտալիզմի մնացուկներ մարդկանց գիտակցության սեջ:

Իհարկե, չի կարելի այս բոլորը դասել կապիտալիզմի մնացուկների շարքը: Մարդկանց գիտակցության մեջ կապիտալիզմի մնացուկները նեղ հասկացություն են, որի մեջ մտնում են որոշակի բացասական հատկանիշներ ունեցող մի շարք երևույթներ:

Մեր ժողովուրդը դաստիարակված է կոմունիզմի ոգով, նա քայլ առ քայլ կառուցում է իր լուսավոր ապագան: Բարձր բարոյականություն, բարձր ազնվամտություն, պաղափարականություն ու ճշմարտացիություն — ահա այն արժեքներ, որոնք պետք է բնորոշեն կոմունիստական հասարակության մարդուն, լեյզ ճանապարհին սովետական ժողովուրդը դեն է նետում այն ամենը, ինչ ապրել է իր դարը արդելակ է դարձել: Լեյզպիսի արգելափակումներից մեկը անցյալի մնացուկների առկայությունն է սովետական մարդկանց մի մասի գիտակցության մեջ: Ահա ինչու այդ մնացուկների դեմ մղվող պայքարը կոմունիստական հասարակության կառուցման պարտադիր պայմաններից մեկն է: